



LAER VOLKSKOOL GRAAFF-REINET

Tel. 049 – 8910 803

Faks: 049 – 8910 802

Sel : 072 170 2045

E-Pos: hoof@laervolkskool.org

Skoolhoof : Mnr D Joubert

Posbus 253

GRAAFF-REINET

6280



LAER VOLKSKOOL DISSIPLINESTELSEL

Ons maak gebruik van die “Kweek Dissipline met Deernis Skoolstelsel” (KDDS) wat gebaseer is op Hettie Britz se boek *Kweek Dissipline met Deernis*. Dit is goedgekeur as ‘n dissiplinestelsel vir skole deur die Departement van Onderwys en voldoen ten volle aan die vereistes van die skolewet.

Dissipline is die doelgerigte vorming van ‘n kind se denke, besluite, gedrag, gesindheid en karakter op die pad na selfbeheersde volwassenheid. As deel van opvoeding is dit belangrik om kinders te beloon vir positiewe gedrag maar ook om u, as ouer, in kennis te stel van enige afwykende gedrag en daarom berus die stelsel op die twee pilare van Karakter en Gedrag

KARAKTERBELONINGS

Ons beloon goeie gedrag deur vir kinders ‘n KARAKTERINSKRYWING te gee. Die kind word onder die volgende kategorieë beloon:

1. Betroubaarheid
2. Respek
3. Eerlikheid
4. Verantwoordelikheid
5. Bedagsaamheid
6. Hulpvaardigheid
7. Regverdigheid

Wanneer u kind **5 KARAKTERBELONINGS** ontvang het, ontvang hy/sy ‘n sertifikaat. ‘n Lapelknopie word teken vir 10, 20, 30, 40, 50 karaktertoekennings. Dit kan aan sy/haar uniform gesteek word.

GEDRAGSINSKRYWINGS

Die KDDS maak gebruik van 3 tipes GEDRAGSINSKRYWINGS om probleem gedrag, slegte gedrag en afwykende gedrag te kategoriseer vanaf minder belangrik tot ernstig. Hierdie kategorie is as volg:

1. KORREKSIEPUNTE:

‘n **Limiet van 10 inskrywings** moet bereik word voordat u in kennis gestel gaan word om ons te kom spreek. (Hierdie is meestal nie-ernstige gedrag of oortredings waarvan herhalende



inskrywings kan dui op onderliggende probleme wat aangespreek en korrigeer moet word.)

2. STRAFPUNTE:

‘n Limiet van 2 inskrywings voordat u in kennis gestel gaan word om ons te kom spreek.
(Hierdie is ernstige oortreding/afwykings moet daar so spoedig moontlik aangespreek word).

3. KRISISPUNTE:

‘n Limiet van slegs 1 inskrywing voordat u in kennis gestel gaan word om ons te kom spreek.
(Hierdie is baie ernstig en kan dui op ernstige probleme wat dringend aangespreek moet word)

Die tipes gedrag wat GEDRAGSINSKRYWINGS verdien is as volg:

1. AANDAGSOEKENDE GEDRAG
2. ONGELUKKE EN ONVERMOË
3. ONVERANTWOORDELIKHEID tov die volgende:
 - 3.1 Huiswerk
 - 3.2 Laatkom (skool en buitemuurs)
 - 3.3 Afwesig (sonder ‘n mediese sertifikaat)
 - 3.4 Voorkoms
 - 3.5 Persoonlike eiendom
 - 3.6 Skooleiendom
4. EMOSIONEEL ONVOLWASSE GEDRAG
5. MANIPULASIE
6. MOEDSWILLIGE ONGEHOORSAAMHEID
7. AFWYKENDE GEDRAG
 - 7.1 Onleerbare afwykende gedrag
 - 7.2 Gevaarlike afwykende gedrag
 - 7.3 Suggestiewe afwykende gedrag
 - 7.4 Diefstal
 - 7.5 Oneerlike wangedrag
 - 7.6 Verbode item
8. WANGEDAG TEENoor ANDER
 - 8.1 Boeliegedrag
 - 8.2 Straf van toeskouers by boeliegedrag
 - 8.3 Disrespekvolle gedrag
 - 8.4 Baklei

Elke oortreding/afwyking word gekategoriseer volgens die meriete van elke saak. U samewerking, ten einde dissipline aan te leer, is vir ons baie belangrik.

Ek deel graag die volgende vers uit Hebreërs 12:11(NVL) met u: “Elke vorm van tug lyk vir ons op die oomblik meer na ‘n rede vir tranes as vir blydschap, maar later sal dit vir hulle wat daardeur gebrei is,



die blye oes oplewer van 'n lewe volgens die wil van God"

Ons hoop om met u samewerking goeie dissipline te handhaaf en 'n gesonde en veilige omgewing te skep waarin elke kind gevorm kan word om goeie vrug te dra in die samelewing.

U sal ook toegang verkry tot u kind se gedragsverslag op die KDDS stelsel. Voorsien ons asb. met u e-pos adres en selfoon nommer op die onderstaande afskeurstrokie, sodat ons u kan registreer. U sal 'n e-pos ontvang vanaf KDDS om u in kennis te stel wanneer u geregistreer is.

Stuur asb die aangehegde ontvangserkenning van die inligting tov Laer Volksskool se dissiplinestelsel terug na die kantoor of u kind se registeronderwyser.

Hierby aangeheg is 'n Gedragskode vir Leerlinge.

D. Joubert

D. Joubert
(Skoolhoof)



GEDRAGSKODE VIR LEERDERS

Soos opgestel deur:

Laer Volksskool Beheerliggaam in oorleg met die leerders, bestuurspan, opvoeders en ouers volgens:

1. Die Grondwet van die Republiek van Suid-Afrika (Wet no. 108 van 1996)
2. Suid-Afrikaanse Skolewet (Wet no. 84 van 1996)
3. Provinsiale regulasies aangaande skorsing en dissiplinêre gedragskodes.

INLEIDING

Volgens die skool se gedragskode dien die volgende beginsels, filosofie en etos soos vervat in die Suid-Afrikaanse Skolewet 84 van 1996 as riglyne.

Die Suid-Afrikaanse Skolewet 84 van 1996 bepaal in Artikel 8(1) die volgende:

Behoudens enige toepaslike provinsiale wet moet 'n beheerliggaam van 'n openbare skool 'n gedragskode vir leerders aanvaar na oorleg met die leerders, ouers en opvoeders van die skool.

'n Gedragskode soos in subartikel (1) bedoel, moet daarop gemik wees om 'n gedissiplineerde en doelgerigte skoolomgewing, wat toegewy is aan die bevordering en instandhouding van die gehalte van die leerproses, te vestig.

Die minister kan, na oorlegpleging met die Raad van Onderwysministers, riglyne bepaal vir oorweging deur beheerliggame in die aanvaarding van 'n gedragskode vir leerders.

Geen bepaling van hierdie wet stel 'n leerder vry van die verpligting om die gedragskode van die skool, wat deur sodanige leerder bygewoon word, na te kom nie.

'n Gedragskode moet bepalinge van 'n behoorlike regsproses bevat om die belange van die leerder en enige party wat by dissiplinêre handeling betrokke is, te beskerm.

Die reg van leerders tot basiese onderrig plaas die verantwoordelikheid op die leerder om gereeld skool by te woon gedurende skoolure. Indien 'n leerder afwesig is/gaan wees moet die leerder se ouer/voog die skool in kennis stel van die rede daarvoor.

Die finale verantwoordelikheid van 'n leerder se optrede berus by sy ouers/voog.

Geen persoon mag by 'n skool lyfstraf aan 'n leerder toedien nie.

Die negering van die skool se dissiplinêre gedragskode kan lei tot die permanente uitsluiting van die leerder.

Die Beheerliggaam, skoolhoof en opvoeders moet elke oortreding op meriete hanteer, sonder die benadeling van die leerder se regte.

REËLS VIR DETENSIE

Die detensieklasse is as volg: Vrydae: 13:00 tot 14:30

Elke leerder moet die detensiekennisgewing persoonlik onderteken en ook deur sy/haar ouers/voog laat teken. Dit moet dan aan die skool terugbesorg word.

Geen voedsel of drinkgoed sal in die lokaal toegelaat word nie.

Geen praterij of hulpverlening sal in die lokaal toegelaat word nie.

Normale reëls vir skooldrag en gedrag, sal geld.

Leerders moet vir die volle duur van die klas konstruktief besig wees.

- * Oortredings in/afwesigheid van 'n detensieklas impliseer dat 'n leerder nie die gesag van die skool aanvaar nie en sal daar dienooreenkomstig teen hom/haar opgetree word.

Die bywoning van die detensieklas is te alle tye die prioriteit en verantwoordelikheid van die oortreder en sy/haar ouers/voog.

SKOOLREËLS

1. SKOOL- EN KLASBYWONING

- 1.1 Skool- en klasbywoning is verpligtend.
- 1.2 'n Afwesigheidsbrief/e-pos moet deur 'n ouer/voog ingedien word om afwesigheid te motiveer. 'n Mediese sertifikaat word na 3 dae vereis.
- 1.3 Indien 'n eksamen- of toetsvraestel nie geskryf kan word nie moet 'n mediese sertifikaat ingedien word. Indien nie sal die leerder 0% kry vir die toets – of eksamenvraestel. Geen toets of eksamen kan geskuif word nie, of oorgeskryf word nie.
- 1.4 Leerlinge mag nie die skoolterrein verlaat sonder toestemming van die skoolhoof nie.
- 1.5 Leerlinge wat die skoolterrein verlaat moet by die kantoor deur sy/haar ouer/voog uitgeteken word.
- 1.6 Leerlinge moet betyds vir skool en skoolaktiwiteite arriveer.

2. GEDRAG IN DIE KLASKAMER EN SKOOL

- 2.1 Onvanpaste gedrag en/of ontstigtelike gedrag is onaanvaarbaar.
- 2.2 Openlike diskriminasie teen enige persoon by die skool is onaanvaarbaar.
- 2.3 Leerlinge mag nie betrokke raak by enige vorm van viktimisasie nie.
- 2.4 Geen leerling mag deur 'n ander leerling gedreig word nie.
- 2.5 Geen leerling mag 'n ander leerling doelbewus beseer nie.
- 2.6 Leerlinge mag nie betrokke raak by enige vorm van gedrag waardeur die veiligheid, moraal, gesondheid of welsyn van ander leerlinge in gevaar gestel word nie.
- 2.7 Gedrag in die klaskamer, tydens saalbyeenkomste, of enige ander area in die skool moet sodanig wees dat die leerproses van ander leerlinge onder geen omstandighede versteur word nie.

3. ALGEMENE KLASKAMERREËLS

- 3.1 Aan die begin van elke klas staan leerlinge op en groet die personeel.
- 3.2 Indien ouers, ander personeel of besoekers by 'n klas opdaag staan leerlinge ook op om te groet.
- 3.3 Reageer dadelik op 'n opdrag.
- 3.4 Geen leerling praat, staan of loop rond in die klas is nie.
- 3.5 Leerlinge verlaat nie 'n klas voordat 'n personeellid hulle verdaag het of instruksie in die verband gegee het nie.
- 3.6 Indien 'n leerling aandag wil hê moet hy sy hand opsteek.
- 3.7 Alle klasopdragte moet stiptelik en betyds voltooi word.
- 3.8 Elke leerling se gedrag moet sodanig wees dat dit nie steurend is nie.
- 3.9 Tydens aankondigings oor die interkom moet leerlinge stilbly en aandag gee.

4. REËLS IN DIE GANGE / STOEPE

- 4.1 Klaswisseling moet flink en ordelik geskied.
- 4.2 Leerling loop agtermekaar en flink en vinnig.
- 4.3 Geen laatkommery word geduld nie.
- 4.4 Daar word onmiddelik op die klokke gereageer.
- 4.5 Hou links by die trappe dan sal daar nie botsings wees nie.

5. REËLS IN DIE SAAL / KEWERTJIE

- 5.1 Ons skoolsaal is ons trots. Geen leerling mag binne die saal wees sonder toesig nie.
- 5.2 Leerlinge mag glad nie op die verhoog of agter die gordyne wees tensy in opdrag of onder toesig nie.
- 5.3 Ons stap netjies in rye saal toe, sonder om te gesels.

6. ALGEMENE SINDELIKHEIDSREËLS

- 6.1 Leerlinge moet te alle tye toesien dat hulle skoon en netjies is.
- 6.2 Die skoolterrein, geboue en kleedkamers moet skoon en netjies gehou word.

- 6.3 Geen leerling mag verby vullis stap nie. Dit moet opgetel en in die naaste vullishouer geplaas word.
- 6.4 Die kou van kougom word nie op die skoolterrein of tydens 'n skoolaktiwiteit toegelaat nie.
- 6.5 Die skooluniform en sportdrag soos voorgeskryf is die enigste drag wat by die skool toegelaat word.
- 6.6 Skooldrag moet skoon en netjies wees.
- 6.7 Alle besoekers en personeel word beleefd gegroet.
- 6.8 Leerlinge staan/groet nie met hande in hul sakke nie.

7. SKOOLWERK EN TUISWERK

- 7.1 Onderrigtyd moet maksimaal deur leerlinge benut word. Selfwerksame takies, soos deur die opvoeders verskaf, moet selfstandig voltooi word.
- 7.2 Projekte en take asook enige ander opdrag met betrekking tot die akademie moet betyds ingehandig word. Laat inhandigings sonder dat verskoning vooraf ontvang is sal, indien punte ter sake is, gepenaliseer word.

8. DWELMS, ALKOHOL, ROOK, PORNOGRAFIE, OKKULTIESE MATERIAAL ENS.

- 8.1 Die besit, gebruik, verkoop en verspreiding of uitruiling van drank, sigarette, enige dwelm, pornografiese- of okkultiese materiaal, is ontoelaatbaar.
- 8.2 Die skryf van onweloweglike briewe is verbode.

9. TAALGEBRUIK

- 9.1 Swetsende, onsensitiewe en disrespekvolle taalgebruik sal teenoor geen persoon toegelaat word nie.
- 9.2 Geen onweloweglike taal mag op die terrein of in die klaskamer gebruik word nie.

10. WAPENS

- 10.1 Die besit en/of gebruik van wapens, en voorwerpe of instrumente wat gebruik word om te beseer, word nie toegelaat nie.

11. SELFONE

- 11.1 Leerlinge mag nie selfone skool toe bring nie. Leerlinge wat hierdie reëling oortree se selfoon mag vir 'n tydperk gekonfiskeer word.
- 11.2 Indien 'n leerling wel 'n selfoon saambring vir wanneer daar sportwedstryde direk na skool gespeel word, word die selfoon by die kantoor ingehandig.

12. REËLS MET BETREKKING TOT KOMMUNIKASIE

- 12.1 Skriftelike briewe en kennisgewings moet betyds aan ouers gegee word. Antwoordstrokies moet betyds ingehandig word.
- 12.2 Die skool se telephone mag slegs in spesiale of noodgevalle gebruik word.

13. ALGEMENE VEILIGHEID

- 13.1 Padveiligheidsreëls moet stiptelik deur ouers en leerlinge toegepas word.
- 13.2 Skolierpatrollie lede moet gehoorsaam word.

14. REËLS IN DIE KLEEDKAMERS

- 14.1 Gedurende pouses/klastyd gebruik leerlinge die kleedkamers op ongekontroleerde basis.
- 14.2 Leerlinge moet dadelik terugbeweeg na die speelterrein of klas.
- 14.3 Die optrede van 'n kind binne die kleedkamers moet strook met die vereistes wat vir ons gemeenskap aanvaarbaar is en mag nooit vir die ander leerlinge 'n verleentheid skep nie.
- 14.4 Higiëne en netheid is van die uiterste belang, elke leerling wat die kleedkamer gebruik, het 'n verantwoordelikheid om dit netjies agter te laat.

15. REËLS MET BETREKKING TOT FIETSE

- 15.1 Fietsry op die skoolterrein is verbode.
- 15.2 Sodra jy binne die skoolgronde is, moet fiets gestoot word.
- 15.3 Fietse moet ten alle tye gesluit gelaat word in die fietsloods.